

შპს „სკოლა ახალი თაობის“ 2018-2023 სასწავლო წლების განვითარების სტრატეგიული გეგმის ანგარიში

შპს „სკოლა ახალი თაობის“ 2018 წელს შემუშავდა 2018-2023 სასწავლო წლების განვითარების სტრატეგიული ექვსწლიანი გეგმა. სტრატეგიული გეგმა, წარმოადგენს სკოლის დოკუმენტს, რომელიც დეკლარირებული მიზნების მისაღწევად ხელს უწყობს სკოლის სტრუქტურული ერთეულების შეთანხმებულ და ეფექტურ მუშაობას. მასში განწერილია სასწავლებლის მატერიალური, სასწავლო თუ ადამიანური რესურსის განვითარების გეგმა მომდევნო ექვსი წლის განმავლობაში. 2018-2023 სასწავლო წლების სტრატეგიული განვითარების ექვსწლიანი გეგმა მოიცავს ყველა საკითხსა თუ პრობლემას, რომლის გადაჭრის აუცილებლობაც იდგა მიმდინარე პერიოდში, ასევე, მასში მოცემულია სასწავლებლის განვითარების გრძელვადიანი ხედვა, მიზნები და ძირითადი ამოცანები. ექვსწლიანი გეგმა მოიცავს სასწავლებლის მისიას.

სკოლა ახალი თაობის მისია იყო:

ხელი შეუწყოს მოსწავლეს ზოგადი განათლების სამივე - დანყებით, საბაზო და საშუალო საფეხურზე აკადემიური, სოციალური, მოტორული უნარ-ჩვევებისა და უნიკალური შესაძლებლობების გამოვლენა-განვითარებაში, წარმატებულ პიროვნებად ჩამოყალიბებაში.

შექმნას მოსწავლეს სწავლა-სწავლებისთვის ეფექტური, ფიზიკურად და ფსიქოლოგიურად უსაფრთხო სასკოლო გარემო.

მისცეს თანამედროვე მოთხოვნათა შესაბამისი სრულფასოვანი აკადემიური განათლება უცხოური ენების გაღრმავებული სწავლებით და გაცვლით პროგრამებში ჩართულობით.

ჩამოყალიბოს მოსწავლეს ლიბერალურ და დემოკრატიულ ღირებულებებზე დამყარებული სამოქალაქო ცნობიერება .

2018-2023 სასწავლო წლების სტრატეგიულ გეგმაში აღწერილია განსახორციელებელი ამოცანები და განხორციელების გზები წინასწარ განსაზღვრულ პერიოდში, კერძოდ, სასწავლებლის სტრატეგიული განვითარების ძირითადი სტრატეგიული მიმართულებები იყო:

- ✓ პოზიტიურისასწავლო გარემო
- ✓ კვალიფიციური კადრები და სწავლების თანამედროვე მეთოდები
- ✓ მატერიალური ბაზა და ტექნოლოგიები

სკოლის მთავარი პრიორიტეტი იყო თანამედროვე მოთხოვნების შესაბამისი სასწავლო-სააღმზრდელო პროცესებისა და სამუშაო გარემოს ორგანიზება.

სკოლამ შეიმუშავა პირველი პრიორიტეტით განსაზღვრული საკანონმდებლო ბაზა: სკოლის შინაგანაწესი, დებულებები, სხვადასხვა მნიშვნელოვანი და საჭირო დოკუმენტაცია, რომლებშიც პერიოდულად ხდებოდა ცვლილებების შეტანა.

სკოლა ყოველი სასწავლო წლის დაწყებამდე შეიმუშავებდა ერთწლიან სამოქმედო გეგმას.

სასკოლო-სასწავლო გეგმას და შპს „სკოლა ახალი თაობის“ მართვა ხორციელდება წინასწარ განსაზღვრული სტრუქტურის შესაბამისად. სკოლის სტრუქტურა მოიცავს პარტნიორთა კრებას, დირექციას, სასწავლებლის ადმინისტრაციას, პედაგოგიურ საბჭოსა და ტექნიკურ პერსონალს.

პარტნიორთა კრება წარმოადგენს სკოლის უმაღლეს მმართველობით ორგანოს, რომლის ფუნქციები განსაზღვრულია სასწავლებლის წესდებით. გადაწყვეტილებას სასწავლებლის სტრუქტურული ერთეულების შექმნის ან გაუქმების შესახებ იღებს სკოლის დირექტორი. სასწავლებლის სტრუქტურული ერთეულების კომპეტენცია დასაქმიანობის წესი განისაზღვრება სასწავლებლის შინაგანაწესით და დირექტორის მიერ დამტკიცებული სხვადასხვა სტრუქტურული ერთეულის დებულებებით.

სკოლის სტრატეგიული განვითარების ერთ-ერთი მნიშვნელოვანი პრიორიტეტია სწავლა-სწავლების ხარისხის ამაღლება, რაც გულისხმობს მოსწავლეებისათვის თანამედროვე მოთხოვნათა შესაბამისი განათლების მიცემას, კრიტიკულად აზროვნების, ანალიზის, პრაქტიკული უნარების, აგრეთვე საკუთარ საქმიანობაში ტექნოლოგიების წარმატებით გამოყენების უნარების განვითარებას.

სკოლაში ყოველწლიურად ხდება მასწავლებლის საგნობრივი პროგრამებისა და თემატური გეგმების დამუშავება/განახლება. მიმდინარე სასწავლო წლიდან კი ეროვნული სასწავლო გეგმით განსაზღვრულ ყველა საგნში შემუშავდა კურიკულუმები.

სწავლა-სწავლების ხარისხის უზრუნველყოფის მიზნით, შპს „სკოლა ახალ თაობაში“ შემუშავებულია “სასკოლო სასწავლო გეგმის შეფასებისა და შემდგომი გაუმჯობესების მექანიზმები”, რომელიც უზრუნველყოფს სასკოლო სასწავლო გეგმის ეფექტიანობის შეფასებას და შემდგომი გაუმჯობესების გზების განსაზღვრას. აღნიშნული ითვალისწინებს სწავლა-სწავლების ხარისხის ამაღლებასა და გაკონტროლებას. სასკოლო სასწავლო გეგმის შემუშავების, განხორციელების, შეფასებისა და გაუმჯობესების პროცესი შედგება შემდეგი ციკლისაგან: **დაგეგმე - განახორციელე - შეამოწმე - განავითარე.**

სასწავლო პროცესის შეფასება ხდება გაკვეთილებზე დასწრების, მოსწავლეთა აკადემიური მოსწრების, კათედრის ხელმძღვანელთა მიერ წარმოდგენილი მუშაობის ანგარიშების საფუძველზე. კათედრებზე საგნობრივი სწავლების ანალიზისა და კლასების მიხედვით მოსწავლეთა აკადემიური მოსწრების ანალიზის საფუძველზე ვლინდება კათედრის მუშაობის ძლიერი და სუსტი მხარეები. შემდგომ ეს შედეგები წარედგინება დირექციას. თითოეული კათედრა გამოვლენილი ხარვეზების გამოსასწორებლად სახავს ამოცანებს ახალი სასწავლო წლისთვის.

თითოეული კათედრა გამოვლენილი ხარვეზების გამოსასწორებლად სახავეს ამოცანებს ახალი სასწავლო წლისთვის.

სკოლაში მოქმედებს მონიტორინგის სისტემა, რომელიც იძლევა სასწავლო პროცესის შეფასებისა და შემდგომი გაუმჯობესების დაგეგმვის შესაძლებლობას. გადაწყვეტილებები სასკოლო სასწავლო გეგმაში ცვლილებების განხორციელების თაობაზე განიხილება რეგულარულ შეხვედრებზე კონსულტაციების გზით.

სკოლაში ასევე ტარდება მოსწავლეთა, მშობელთა და მასწავლებელთა გამოკითხვები. შემუშავებულია პედაგოგთა და სასწავლო პროცესის შეფასების კითხვარი. შეფასების ანალიზი მუშავდება და კონფიდენციალურად განიხილება ცალკეულ პედაგოგთან. შეფასების ზოგადი დადებითი და უარყოფითი ტენდენციები განიხილება პედაგოგთა და ადმინისტრაციის შეხვედრებზე, ისახება პრობლემის გადაჭრის გზები.

აღნიშნული გამოკითხვები ხელს უწყობს მოსწავლეთა საჭიროების გამოვლენას. მოსწავლეთა საჭიროებების დადგენით, სკოლა ზრუნავს სასკოლო-სასწავლო გეგმის გაუმჯობესებასა და შესაბამისად, სასწავლო პროცესის გაუმჯობესებაზე.

სკოლის მოსწავლეები ყოველწლიურად მონაწილეობენ ეროვნულ და სხვადასხვა კერძო ოლიმპიადებში, კონფერენციებში, აქტიურად არიან ჩართულები როგორც სასკოლო, ასევე სკოლისგარეშე პროექტებში.

რაც შეეხება სააღმზრდელო პროგრამას, სასწავლებელს შემუშავებული აქვს სადამრიგებლო პროგრამა, სადაც განერილია კლასის დამრიგებლის მუშაობის მიზნები, მოვალეობები, სადამრიგებლო სააღმზრდელო მუშაობის პრინციპები და მიმართულებები.

დამრიგებლის მუშაობა ემყარება ზოგადი განათლების ეროვნულ მიზნებს და ხელს უწყობს მოსწავლეებში გონებრივი და ფიზიკური უნარების განვითარებას, მათ ჩაბმას სხვადასხვა კლუბსა თუ წრეში; ასევე, ხელს უწყობს მოსწავლეებში ჯანსაღი ცხოვრების წესის დამკვიდრებას, უვითარებს ლიბერალურ და დემოკრატიულ ღირებულებებზე დამყარებულ სამოქალაქო ცნობიერებას და ეხმარება მოსწავლეებს ოჯახის, საზოგადოებისა და სახელმწიფოს წინაშე საკუთარი უფლება-მოვალეობების გაცნობიერებაში, აკადემიური თუ სხვაპრობლემი სვადაჭრაში.

დამრიგებლის სააღმზრდელო მუშაობა ემყარება შემდეგ რინციპებს:

1. აღზრდის მთლიანობა - სააღმზრდელო მუშაობა მიმართული უნდა იყოს პიროვნების ფიზიკური, კოგნიტური (შემეცნებითი) და ემოციურ-სოციალური განვითარებისაკენ; სააღმზრდელო მუშაობის მთავარი ამოცანა ფიზიკურად და ფსიქიკურად ჯანსაღი მოქალაქის აღზრდაა;
2. შემოქმედი, აქტიური პიროვნების აღზრდა - ყველა ბავშვი უნიკალურია. ისინი დაჯილდოებულნი არიან განსხვავებული ნიჭითა და შესაძლებლობებით. შესაბამისად, დამრიგებელი სთუნქციაა მოსწავლის შინაგანი ძალების აქტივაცია და მათი ნიჭისა და შესაძლებლობების გამოვლენისათვის სათანადო პირობების შექმნა;

3. მოსწავლეებში პასუხისმგებლობისა და ვალდებულების გრძნობის განვითარება - დამრიგებელმა მოსწავლეთა ჩართულობის ხელშესაწყობად საშუალება უნდა მისცეს მათ მონაწილეობა მიიღონ აქტივობების (ზეიმები, ლაშქრობები, ექსკურსიები და სხვ.) დაგეგმვასა და ამ დროს წამოჭრილი პრობლემების მოგვარებაში. დამრიგებელმა მაქსიმალურად უნდა გაითვალისწინოს მოსწავლეთა ინტერესები;

4. მოსწავლეთა ჩართულობა - სასკოლო ცხოვრებაში ჩართულობა მოსწავლეებს გამოუშუაგებს ისეთ უნარ-ჩვევებს, რომლებიც დაეხმარება მათ დამოუკიდებლად მოაგვარონ ცხოვრებაში წამოჭრილი სირთულეები და ხელს შეუწყობს თავისუფალი პიროვნების ჩამოყალიბებას;

5. თანამშრომლობის პრინციპი - დამრიგებლის ურთიერთობა მოსწავლეებთან უნდა ემყარებოდეს თანამშრომლობას, ურთიერთპატივისცემას და ურთიერთნდობას. დამრიგებლის მუშაობის მიზანი უნდა იყოს კლასში თანამშრომლობითი გარემოს შექმნა.

6. მოსწავლის შესაძლებლობების გამოვლენა - დამრიგებლის ფუნქციაა მოსწავლის პოტენციური ძალების ამოქმედება და მათი ნიჭისა და შესაძლებლობების გამოვლენისათვის სათანადო პირობების შექმნა.

შპს „სკოლა ახალი თაობა“ ზოგადსაგანმანათლებლო პროგრამას ახორციელებს ეროვნული სასწავლო გეგმით განსაზღვრული სტანდარტული მოდელით, თუმცა საათობრივ ბადეში განსაზღვრულია დამატებითი სავალდებულო საგნები.

დამატებითი სავალდებულო საგნების ჩამონათვალი:

- ✓ ფრანგული ენა;
- ✓ გერმანული ენა;
- ✓ რუსული ენა;
- ✓ ისტ
- ✓ ჭადრაკი

სკოლის მოსწავლეთა სურვილისამებრ, სკოლის ბიუჯეტის ფარგლებში ან ფასიანი მომსახურების სახით, სკოლა ყოველწლიურად სთავაზობს მოსწავლეებს ეროვნული სასწავლო გეგმით გათვალისწინებულ შემდეგ დამატებით საგანმანათლებლო და სააღმზრდელო მომსახურებებს:

- გახანგრძლივებული სწავლების წრე;
- ინგლისური ენის წრე;
- ჭადრაკის წრე;
- კომპროვის სამაბათო სკოლის მათემატიკა
- საინჟინრო კლუბი;
- ხატვა;
- სამხატვრო ხელოვნება;
- ემოციური ინტელექტისა და სწრაფი კითხვის ტექნიკა
- ქართული ნაციონალური ცეკვები;
- ჰიპ-ჰოპი
- თანამედროვე ცეკვები

- მენტალური არითმეტიკა;
- ვოკალის წრე
- ემოციური ინტელექტისა და სწრაფი კითხვის ტექნიკის წრე

თუმცა ზოგიერთ წლებში დამატებითი მომსახურების სახეები იცვლებოდა.

ინკლუზიური განათლების ხელშეწყობის მიზნით სკოლაში ყველა პირობაა შექმნილი. სკოლაში არის შესაბამისი ადაპტირებული გარემო. 2021 წლიდან ფუნქციონირებს ისე ჯგუფი, რომელიც სსსმ მოსწავლეებისთვის შეიმუშავებს ინდივიდუალურ სასწავლო გეგმებს, რომელშიც განერილია სსსმ მოსწავლის ინდივიდუალური სასწავლო მიზნები და ამ მიზნების განხორციელების გზები. სკოლაში არის სპეციალური პედაგოგი და 2 ასისტენტი.

სკოლას მიმდინარე სასწავლო წელს მიენიჭა TOEFL-ის საგამოცდო ცენტრის სტატუსი, 2023 წლის ივნისში პირველად ჩატარდა TOEFL-ის გამოცდა. ჩვენი სკოლის მოსწავლეებმა გამოცდა წარმატებით ჩააბარეს.

სკოლის ერთ ერთი მნიშვნელოვანი პრიორიტეტია უსაფრთხო, კარგად დისციპლინირებული გარემოს შექმნა

ჯანსაღი გარემოს შექმნის კუთხით სკოლა აქტიურად ახორციელებს სხვადასხვა ღონისძიებებს. სკოლაში არის კეთილგანწყობის, ურთიერთპატივისცემისა და თანამშრომლობის ატმოსფერო, რაც ხელს უწყობს სასკოლო საზოგადოების თითოეული წევრის შესაძლებლობათა მაქსიმუმის გამოვლენას, პასუხისმგებლობის გადანაწილებას; მასწავლებლები ცდილობენ დემოკრატიული ღირებულებების ჩამოყალიბებას. ირიდებენ კონფლიქტურ სიტუაციებს. მაგალითს აძლევენ მოსწავლეებს ჯანსაღი ცხოვრების აუცილებელი უნარ-ჩვევის ჩამოყალიბებაში. ცდილობენ მაქსიმალურად გამოიყენონ საკუთარი შესაძლებლობები და პასუხისმგებლობით ეკიდებიან დაკისრებულ მოვალეობას.

სკოლაში სასწავლო პროცესი მიმდინარეობს პოზიტიურად მონესრიგებულ გარემოში, სადაც განსაკუთრებული მნიშვნელობა ენიჭება პოზიტიურ ურთიერთობებს, სადაც მოსწავლე არის დაფასებული და მასწავლებელთან ერთად პასუხისმგებელი საკუთარ სწავლასა და განვითარებაზე.

შენობაში წესრიგის დაცვის მიზნით, კანონმდებლობის შესაბამისად, დამონტაჟებულია უსაფრთხოების კამერები, რომლებიც უზრუნველყოფენ სასწავლებლის შიდა და გარე პერიმეტრის კონტროლს.

სკოლა აღჭურვილია ხანძარსა და სანაღმდეგო ინვენტარით, სისტემატურად უტარდებათ მოსწავლეებს ინსტრუქტაჟი უსაფრთხოების ზომების დაცვის შესახებ.

სკოლაში დანერგილია თანამშრომელთა და მოსწავლეების გამოცხადების კონტროლის ელექტრონული აღრიცხვის სისტემა ელექტრონული ბარათების გამოყენებით, რომელის ელექტრონულ ჟურნალზე edupage-ზე ფიქსირდება.

მოსწავლეებთან ხშირად ტარდება შეხვედრები ცხოვრების ჯანსაღი წესის პოპულარიზაციის მიზნით. სკოლაში ტარდება სხვადასხვა სპორტული აქტივობები. 2018 წლიდან

ყოველწლიურად ტარდება საჭადრაკო ტურნირები. მიმდინარე სასწავლო წელს სკოლის საფეხბურთო გუნდმა მონაწილეობა მიიღო სპორტის ფედერაციის სასკოლო საფეხბურთო ლიგაში

რაც შეეხება მატერიალურ-ტექნიკურ ბაზას, სკოლა 2024 წლიდან გეგმავს ახალ, საკუთარ შენობაში ფუნქციონირებას. თუმცა არსებული სკოლის შენობის კეთილმოწყობა და განახლება ყოველ ზაფხულს მიმდინარეობდა.

სკოლა უზრუნველყოფილია სათანადოდ აღჭურვილი 23 საკლასო ოთახით. საკლასო ოთახებში განთავსებულია შესაბამისი საფეხურის მოსწავლისთვის საჭირო მერხები, დაფები და სხვა საგანმანათლებლო რესურსები.სკოლას 2018-2023 წლის განმავლობაში, საჭიროებიდან გამომდინარე, დაემატა ახალი საკლასო ოთახები, დაემატა აგრეთვე ვიდეოკამერები. სკოლის ინვენტარის განახლება და შექმნა ყოველწლიურად ხდება.

სკოლის ფიზიკის, ქიმიისა და ბიოლოგიის ლაბორატორიების განახლება, ქიმიური რეაქტივების შექმნა სისტემატურად ხდებოდა.სკოლამ აგრეთვე შეიძინა ფიზიკის ვირტუალური ლაბორატორიაც.

სასწავლებელში ფუნქციონირებს ბიბლიოთეკა. რომელიც შედგება 2000 -მდე წიგნადი ფონდისგან. ბიბლიოთეკაში არის სასკოლო სასწავლო გეგმით გათვალისწინებული ყველა კლასის გრიფინიჭებული სახელმძღვანელოები, დამხმარე სახელმძღვანელოები. გრიფინებში არსებული ცვლილებებიდან გამომდინარე ბიბლიოთეკის წიგნადი ფონდი გაიზარდა.

ეზოში არის ღია მცირე ზომის სპორტული მოედანი. სკოლა აღჭურვილია სხვადასხვა სპორტული ინვენტარით: შეფერილი კედელი, ჩოგბურთის მაგიდები, კალათბურთის ფარები, ლეიბები, ჰულაჰუპები, ბურთები, ბადმინტონი, ბადე (ფრენბურთის), მხიარული სტარტის სათამაშო ინვენტარი და სხვა.

სკოლას აქვს სასკოლო-სასწავლო გეგმით დასახული მიზნების განხორციელებისთვის აუცილებელი საინფორმაციო საკომუნიკაციო ტექნოლოგიები.პერსონალური კომპიუტერები, ნოუთბუქები, ჭკვიანი დაფა, პროექტორები, პრინტერები და ა.შ

სკოლაში ფუნქციონირებს კვების პუნქტი(სასადილო) რომელიც აღჭურვილია ყველა საჭირო ინვენტარით. სასადილოში ყოველწლიურად ტარდება რემონტი.

აღსანიშნავია, რომ საანგარიშო პერიოდში მოხდა ექიმის კაბინეტის განახლება ახალი სტანდარტების მიხედვით, განათლებისა და ჯანდაცვის მინისტრების ბრძანებების საფუძველზე.

მასწავლებელთა კვალიფიკაციის ამაღლება სკოლის ერთ-ერთი მნიშვნელოვანი პრიორიტეტია, 2019 წელს შეიქმნა „ხარისხის განვითარებისა და პროფესიული მხარდაჭერის ჯგუფი“, რომელიც აკვირდება საგაკვეთილო პროცესებს, შეიმუშავებს რეკომენდაციებს, შესაბამისად, განსაზღვრავს მასწავლებლების პროფესიულ საჭიროებებს და გეგმავს ტრენინგებს.

სკოლა ხელს უწყობს მასწავლებელთა პროფესიული განვითარების მიზნით მათ მონაწილეობას ტრენინგებზე, სემინარებზე. ახორციელებს ამ მიზნით სხვადასხვა პროექტებსა და ღონისძიებებს.

სკოლას შეიმუშავებული აქვს თვითშეფასებისა და მონიტორინგის მექანიზმები, სისტემატურად ხდება მათი გადახედვა და გაუმჯობესება, ხარისხის განვითარებისა და პროფესიული მხარდაჭერის ჯგუფის“ მიერ. მუდმივად ხდება ჩატარებული გაკვეთილების ხარისხის შეფასება, პედაგოგთა შეფასება. სისტემატურად ხორციელდება ურთიერთდასწრება.

სკოლაში ეფექტურად მოქმედებს „კრიტიკული მეგობრის“ ინსტიტუტი, რომელიც ფოკუსირებულია კოლეგიალური ურთიერთობების განვითარებაზე, თანამშრომლების ძლიერი და ასუსტი მხარეების დადგენაზე. ეს მასწავლებლების პროფესიული ზრდისთვის ერთ-ერთი მნიშვნელოვანი ფაქტორია.

სტრატეგიული გეგმის ერთ-ერთი პრიორიტეტია პარტნიორული ურთიერთობების განვითარება. ამ მიმართულებით სკოლას მემორანდუმები აქვს გაფორმებული კოლეჯ „სპექტრთან“, „საქართველოს ბისნესის აკადემიასთან SBA“, პროფესიულ კოლეჯ „იკაროსთან“, „შავი ზღვის საერთაშორისო უნივერსიტეტთან“ და ილიას სახელმწიფო უნივერსიტეტთან. აღნიშნული მემორანდუმების ფარგლებში ჩვენი მოსწავლეები ხშირად ესწრებიან ამ სასწავლებლებში გამართულ ღონისძიებებს და მონაწილეობენ სხვადასხვა პროექტებში.

რაც შეეხება სკოლის პარტნიორობის განვითარებას ქვეყნის გარეთ სხვადასხვა პროგრამების მეშვეობით, ჯერ-ჯერობით ვერ მოხერხდა, თუმცა დაგეგმილია ამ მიმართულებით მუშაობის გაგრძელება.

სკოლაში მოქმედებს თანამშრომელთა წახალისების სისტემა. ყოველი სასწავლო წლის ბოლოს წარმატებული პედაგოგები ჯილდოვდებიან ფულადი პრემიით, მადლობის სიგელით და ა.შ.

სასწავლო-აღმზრდელობით პროცესში მშობლები აქტიურად არიან ჩართულები. ეს აერთიანებს მშობლებს და მასწავლებლებს, რათამათ ერთიანი ძალისხმევით შეუწყონ ხელი მოსწავლის აკადემიური მიღწევების გაუმჯობესებას. მშობლები აქტიურად მონაწილეობენ რეგულარულ, მრავალმხრივ კომუნიკაციაში, მოსწავლის სასწავლო პროცესში და სკოლის სხვადასხვა ღონისძიებებში. ეს კი დადებითად აისახება სასკოლო საზოგადოებაზე, მასწავლებლებზე, მშობლებზე და მოსწავლეებზე. უკეთესი შედეგების მისაღწევად სკოლა მომავალშიც დაინტერესებული იქნება მშობლებთან აქტიური თანამშრომლობით.

უნდა აღინიშნოს, რომ სკოლის მოსწავლეების რაოდენობა 2018 წელთან შედარებით თითქმის გაორმაგდა.

ზემოაღნიშნულ განხორციელებულ ღონისძიებებზე დაყრდნობით შეიძლება ითქვას, რომ სკოლამ 2018 წელს შემუშავებული განვითარების ექსპლანატი სამოქმედო გეგმით განსაზღვრული აქტივობებისა და ღონისძიებების უმრავლესობა განხორციელდა. იქიდან გამომდინარე, რომ დაწესებულება ეწევა საგანმანათლებლო საქმიანობას და სასწავლებლისათვის მნიშვნელოვანია ხარისხიანი სწავლების განხორციელება, მეტი ყურადღება დაეთმობა სასწავლებლის კავშირს საერთაშორისო დაწესებულებებთან და მოსწავლეთა აქტიურ ჩართულობას სხვადასხვა სახის პროექტებში. შესაბამისად, სასწავლებელი აქტიურად გააგრძელებს მსგავსი ტიპის ღონისძიებების განხორციელებას და პარალელურად სკოლის განვითარებას ტექნოლოგიური და კვალიფიციური თვალსაზრისით.